

芝園文稿卷之十八

閩中趙世顯仁甫著

門人江州萬嗣達校

啓

奉餞少司馬李公啓

中台星燦光騰兩澗之區幕府風高望肅庶工  
之重際飛龍而錫寵貳司馬以宣猷向匪高賢  
曷膺重寄恭惟 臺下學究典墳才兼文武恩  
波優渥授節鉞於九重德望尊崇銷氛稜於萬

芝園文和卷一  
里旌賢警慮用飭官寮悅邇綏遐佐平邦國方  
期升蔣公於鼎鉉詎當容疏傳於漸遠暫釋民  
憂宇宙終歸分內行膺 聖眷梅霖頓起朝端  
茲者序屬暮春律當姑洗汀花熳爛迓金紫以  
增輝堤柳紛披間旌旄而動色江臯徹警祖帳  
宜開 某 久抱寸忱矧叨末屬敢陳樽俎敬采芹  
萍念沼沚可羞王公願葑菲不遺下體 某 無任  
感荷之至

請座主徐檢菴公啓

泰運方隆多士協彙征之會離明繼照鉅儒司  
甄拔之權樗櫟實荷兼收英雄敢云入彀恭惟  
徐老師檢翁夫子識洞九淵才高八斗鑿坡視  
草儼班馬以齊驅鳳掖演綸與夔龍而接武承  
命於十有一載拔 某 等二十二人竊慶桃李之  
在門思滌樽罍而啓讌時維首夏節邇端陽王  
堂將冰鑑同清柳黛共荷緗菟爽肅陳文豆祗  
迓台光義或取於需雲樂擬齊乎雩詠惟葑菲  
罔遺下體念沼沚可羞王公伏伺門墻夙祈膏

秣<sup>其</sup>等曷勝翹企顛望之至

賀王相公壽啓

代

功參元宰純誠特受乎主知位列三台碩德  
誕膺乎天眷北辰伊邇南極輝騰四國具瞻羣  
僚稱慶恭惟相公閣下文章煥發節槩嶙峋  
早掇巍科閱閱數江東王謝旋登禁苑勛猷步  
天上夔龍中外望屬斗山而謙惟几几社稷倚  
爲柱石而度擅休休喜際弧辰瑞同嶽錫湛  
恩來紫極岡陵松栢同春佳氣溢黃扉元首  
股肱胥悅蓋旣躋生民于富壽而益壽其躬抑  
惟培國脉于太和而愈和其氣<sup>其</sup>符分外旬久  
懷殊遇以銘衷治切中吳更仰極星而遙祝五  
百年有名世何幸身親八千歲爲春秋尚祈天  
佑

端午同寅公讌堂翁啓

時維仲夏節屆端陽闔草浴蘭流風未泯繫絲  
射粉遺俗猶傳矧當郡閣餘閑足騁江臯遊豫  
肅詹三日同啓一尊期移雲閣之舟看兢清溪

之渡伏惟夙施膏秣光此罇壘鏡中花鳥需地主之品題江上魚龍待使君而奮躍

姚寅長初度請啓

玉露溥空俄秋期之欲半金風應候值兔魄之將圓繁樂事之繁多喜壽星之朗耀卜茲念五預慶千齡松堂清暇寅開北海之樽寮案聯翩共侈南山之頌惟台車之夙賁於几席以增輝

初度讌同寅啓

蓐收應律帝皞司權荷緇歇而玉露清梧翠飛而金風動韶華在萼慚犬馬之齒漸加勛業蹉跎敢弧矢之辰是念惟同寅之誼均篤荷先庚之筵遽開飽德無涯醉心曷旣敬涓十四之日聊伸尺寸之忱南山之祝奚勝北海之樽敬啓  
愿非良旨敢日報璫伏願蚤施膏秣便衣臨共適之園夙賁尊壘卽席命長生之酌謹啓

公餞郡公入覲啓

長淮霜凜猶傳驄馬之風秋浦春融大溥祥鸞

芝園文集卷之八  
之政三年循舊典而入覲萬姓咸卧轍以遮留  
赤子之念孔殷同寅之情更切消茲一日用啓  
朋樽歌動驪駒筵開祖道願襜帷之暫駐少敘  
離情罄杯勺之餘歡用壯行色

餞劉使君啓

郡齋春盡喜喬木之遷鶯澤國風和見垂楊之  
綰鷁三載辱知最篤一時分袂尤難敬列祖筵  
用將別意陽春有脚行霑濡於吾桑梓之邦離  
緒無窮特繾綣于彼驪駒之唱伏惟暫停憲節  
俯鑒芹私特望寵臨慰茲延竚

與姚寅長啓

哲后勤民必需良牧明時簡任特重英賢恭惟  
我翁瑞世鳳麟熙朝山斗乘驄凜然風節嚴霜  
飛滿江淮分虎藹爾陽春膏澤行霑秋浦凡茲  
末屬槩與引領之忱矧廁同寅更切瞻依之悃  
敬馳下吏遠迓台旌甘雨敷時想使車之倏至  
德星明處知法從之非遙

公餞劉使君啓

銅符久借覃敷秋浦之陽春憲節將移行沛晉  
安之霖雨凡茲赤子均懷借寇之私矧廁同寅  
更切依劉之願序當維夏日在朔辰敬設朋尊  
用申別意與幃帷之暫駐於罇俎以增輝

賀許相公壽啓

代

寵冠羣寮紫閣掌鈞衡之重  
位均台鼎黃樞  
分燮理之權旣荷眷於  
九重自誕膺乎五福  
恭惟  
相君閣下舊德素隆新安偉望貳台衡  
而贊化王鉉功高參斗柄以論思金甌名重時

當夏日喜值誕辰佳氣鬱葱輝壽星於南極仙  
姿和鬯茹桃實於東方惟  
元首明而股肱良

故年彌高而德彌劭

其

馳驅外甸徒懸北海之

尊引領上台敬效南山之祝惟調元而常居大  
夏再申解阜之章歛福以茂享長春未翊向明  
之治

賀邵操臺啓

聖皇念切東南特重韜鈴之寄  
高賢望隆柱  
石誕膺撫馭之權中外交慶得人遠邇咸瞻碩

畫恭惟臺下西川毓秀上國蜚英江邑

茂甘棠歌頌猶傳乎召父銓衡植桃李襟懷遠

邁乎堯夫繼歷卿寺以承庥旋陟都臺而揜

憲幕下千羣貔虎威震長江胸中數萬甲兵聲

聞再朝宁某備負末屬分職潯陽仰奉明威

慙無裨於尺寸俯思報塞冀少效乎涓埃遙睇

龍光式申燕賀伏惟鑒照可勝欣榮謹啓

上王相公啓代

黃閣風清四海快臯夔之觀彤庭氣淑百寮

依山斗之光惟名世之儒宗爲太平之碩輔恭

惟對老師相公閣下龍門雅望鳳閣英標

家世衍三槐慶流奕葉徽名聞四裔勛勒彛常

浹宵旰以疇咨潤皇猷于紫極振羽儀而

峻立膺帝眷於金甌望切南雲尺疏屢勤乎

烏鳥恩隆北闕寸懷仍繫乎蒼生殫忠孝於

兩全洵古今之莫及某鄧林瑣植裨海微蠕上

國掄英莫稱風胡之鑑西江讞獄未宏定國之

模慚廩祿之空糜驚歲月之倏度猥從考績祇

志園文稱卷十九  
七  
候 台階結念爲遙寄深思於遠日銜 恩曷  
旣附鄙悃於長風尺素恭題寸丹敬瀝

賀 潘伯邊公壽啓

化被西江世仰保釐之績 星輝南極人占壽  
考之祥撫景增懽同心稱慶恭惟 臺下 錦  
水璠璣 天朝瑚璉自省郎而歷州郡遺愛徧  
存由觀察而擢大藩鴻猷四達時維九月序屬  
三秋王露垂清見斗杓之指戍金飈兢爽喜喬  
嶽之生申瞻紫氣以騰欣人懷祝頌望斗墟而  
致賀喜溢玄黃伏願 未對秋光 長傾春酒  
九萬里翔寥廓直履台階 八千歲爲春秋用  
登耄耋謹啓

賀 屯巡劉公壽啓

高秋騰爽氣欣當嶽誕之辰 南極耀星躔輝  
照宣猷之始覩方新之屯政僉云充國紆謨憶  
夙昔之度支咸仰狄公偉略鍾英泰岱固當膺  
戩穀以無疆宣力 天朝益擬葆太和於有未  
敬移春酒用慶秋筵道隔潯陽雖難遽追乎珠



履光連牛斗庶幾俯竭乎丹忱伏願 和氣和  
形 壽民壽國衮職誰爭補近有望於更生軍  
儲不乏供遠寔超乎劉漑謹啓

冬至賀漕運啓

朝廷衮職需山甫以宣猷天下軍儲賴鄴侯之  
碩畫睠此轉輸之際適當長至之期升臺書雲  
喜見千艘畢集迎日推筴預占百穀咸登乘陽  
氣以戒徒旣足兵而足食順洪流而飛輓兼裕  
國而裕民 某幸廁下風慙微才如宮線欣逢令  
節敢薄效其野芹

冬至賀操江啓

二儀闔闢俄暖律之初升四氣循環喜天心之  
乍見值此履長之會尤深慶懌之衷矧張弛之  
惟宜致救寧于有象乘時收竹箭用戒不虞順  
令閉關津共推鎮靜山從建業千峰出行看草  
木回春江至潯陽九派分未見鯨鯢遁迹 明  
威有赫末屬爲榮俯竭蟻忱聊申燕賀

冬至賀應天撫臺啓

葭灰初動祥雲蚤見於  
都臺暖律方吹吉宿  
交纏于  
台座叨被光臨之末寔懷慶懌之私  
組練如雲祝頌末由躬展戈鋌耀日瞻依徒有  
神馳敬脩蟬翼之儀用代龍光之覲由復而泰  
願言踐祿壽之長轉盼生春何待觀陰陽之定

冬至賀南韻撫臺啓

丹陛恩隆嶺海夙資雄鎮黃鐘律轉旌旄逾播  
輝光暖風迴緹室之葭灰和氣益寒城之畫角  
書雲志喜縱看氛祲全銷應節閉關未見鯨鯢  
遠遁元戎小隊旋驚春著梅花吉曜大來詎獨  
陽回細柳某俯羈職守憾瞻對之末由遙仰  
台階屈履長而稱慶

冬至賀俞江院啓

柔荔迎時見貞元之靡息芳芸應節喜雲物之  
尤奇  
繡斧肅風霜儼威稜于柱下黃鐘回暖  
律鬯淑氣於江臯虎旅千羣漸覺春生挾纒舟  
師百隊俄看喜溢投醪矧厠下寮尤懷仰祝繡  
紋且續祈新社與晷而俱長  
偉略宏敷卜

芝園文粹卷八  
寵褒如川之游至

冬至賀彭屯院啓

亞歲迎祥功作乍停于千畝履長納慶歡聲倏  
動乎三軍充國之碩畫人所共欽武侯之神謨  
世罕厥儷紺臺觀象知屢歎將轉而豐登丹筆  
詳刑喜多暴率歸於良善五紋添弱線何如補  
助兼修六管動飛灰尚異吹噓遠及敬將下悃  
遙布 台垣忱切輸芹惟願 鑒茲翼翼儀慚  
獻履更祈宥厥箋箋

元旦賀舒總漕啓

海宇春回萬有值重新之會鴻鈞氣轉八風藹  
從律之祥覩漕務之方殷喜河水之欲泮恭惟  
臺下 經國宏才 康時碩輔宣 皇威於遙  
海夙看氛祲全消司國計於長淮恒見轉輸不  
竭仁威並著處置得宜卒伍雲從趁東風以移  
萬斛舳艫霧集趨上國而濟九邊際歲序之方  
新卜 寵褒之荐至想轅門星燦徒有神馳悵  
幕府春融末由躬叩謹脩尺䟽用瀝寸忱

元日賀操江啓

獻歲發春淑氣頓回於寰宇條風應節祥雲長  
護於都臺物象更新旌旗動色乘時布令溥  
慶惠於行間與物偕春靜風波於江上藍盃舉  
則三軍喜洽投醪桃版更而萬室情忻履泰  
節駐九江恧莫效涓埃之益辰當三朔竊願輸  
芹曝之忱尺楮聊代乎頌椒薄獻敢同於斟栢

元日賀南贛撫院啓

星指孟陬喜見觴傳栢葉地連庾嶺欣看春到  
梅花百萬旌旄隨東風而披拂十千騏驎乘煖  
律以騰驤妖氛淨而淑景明山海寧而和風鬯  
遙占新社亟思馳賀於台臺肅奉明規靡  
敢擅離乎職守敬因下吏俯布中懷

元日賀應天撫院啓

梅花傳畫角長看南土平寧爆竹動連營又見  
東風布暖元朔祥開葵戟滿城聲沸弦歌春盎  
皇州會見鶯遷指日功施海宇行看鳳詔翔  
雲覩綵燕于勝中情深燕賀覲遊魚於江上敬

達魚箋尚願對時育物益登萬姓於春臺  
受祿宜民未啓八荒之壽域

元旦賀俞江院啓

貞元會以生春地天交而成泰江臯警徹颺幡  
勝以迎新柱下風清薦辛盤而迓祉宣皇仁  
布皇澤益然有脚陽春貞百度肅百寮皎矣  
無私化日軍容整肅由畿南以達江北貔虎稱  
雄紀律嚴明自牛渚以迄馬當鯨鯢永息末屬  
時叨煦育寒谷特藉吹噓栢葉方傳益馳神於  
栢署台光在望遙布悃於

台階

元旦賀彭屯院啓

泰運啓三陽柳營欣洽和風回萬象草野歡騰  
盖屯戍方慶乎西成乃斗杓倏迴而東指條風  
播阡陌干戈戢而耒耜旋興和氣溢田疇雨露  
施而風霜有制長羨留屯之策仍占大有之年  
士有積倉軍無凍餒致兵農以咸裕洵文武之  
兼資詎直相土之宜允紆祈穀之念終則有始  
方見王春度玉墀賞以酌功卽看卿月升金掌

芝園文種卷一  
三  
亟欲罄賀忱于 烏府其如羈職守於鯨波結  
念爲遙臨械增戀

謝莊撫臺薦啓

代

明王御極虛黼座以崇賢 碩輔弘謨殫素心  
而升俊騏驥應承寵顧駑駘敢望兼收恭惟

臺下

閩海珠璣

天朝瑚璉標風猷於瑣闥

夙飛北極清霜

作楷範於儒林曾沛南天時

雨自憲臺而登岳伯世苾甘棠由開府而陟台

階人瞻儀鳳

某

幸聯桑梓之末實惟樛櫟之資

鞭策難前濫追蹤乎五馬涓埃未效猥分職於  
九江方懼麾之門墻詎意收諸薦剡材非臣僕  
倖叨公叔之知智謝陳平謬忝無知之進大賢  
之門已出國士之報何時隻字重若干金慙野  
芹無能稱塞一顧價增十倍慙束帛靡答織毫  
謹啓

答邊方伯公賀壽啓

代  
至日

雲開紫極欣逢剛長之期 律轉黃鐘適際履  
長之會獻襪未伸鄙悃懸弧敢荷 隆情恭惟

芝園文集卷之八  
臺下 家傳簪笏 秀出岷峨薇省承宣列郡  
仰翰屏之績雄藩總鎮清朝高柱石之儲八方  
均切於望風庶宋長欣於就日某才微宮線妄  
希至日以增長心慙漸磐敢向南山而擬壽中  
書廿四之考固所望於 英賢大椿八千之齡  
詎所論於樗櫟更辱 玄黃之寵錫益慚青紫  
之濫叨肅對使而懇辭敬宣言而稱謝

賀南京兵部侍郎石公啓

灌貳夏卿必豪英始勝重寄 秩聯祈父匪元

老疇克壯猷惟 聖主能得賢臣故鉅公獲叅

大柄恭惟 閣下 八埏間氣一代名儒當日

批鱗赤縣歎徂徠之復出頻年展采蒼生喜安

石之重升 仗節鉞于畿南貞肅臣寮之度

宣靈威於閩外澄清江海之波 德望旣隆

恩光荐及六師平邦國佐司馬以宏謨九列讓

英華接夔龍於步武 某分叨末屬情切二天駐

江上以分猷媿無裨於 碩畫觀 中臺之寵

擢幸竊荷乎 帡幪卽欲躬叩 龍光靡敢輕

芝園文集卷之八 三頁三

芝園文粹卷之八  
憲禁敬馳一介用布寸衷南望  
台垣罄  
賀忱於百拜仰遵  
經略播威德于千江

賀申相公壽啓

代

位列中台四海仰陶鈞之化  
星輝南極九天  
啓華誕之祥叶千齡於莊椿歛五福於箕範朝  
端稱慶海宇騰歡恭惟  
相公閣下  
三朝碩  
望  
一代名臣禮樂縱橫丹墀獨對絲綸黼黻  
紫禁蜚聲作  
帝耳目股肱功施寰宇追古臯  
夔伊傳德冠臣鄰惟一德之格天乃自求乎多

福月當建酉瑞喜生申佳氣騰秋玉露將金飈  
俱徹祥光貫日朱顏與鶴髮齊輝盖  
天佑斯  
民特賚忠良立元命故  
仁必有壽何須噓吸  
學長生  
某抱玉幽潛已懷司馬相公之仰策名  
朝宁遂辱歐陽夫子之知感遇非常酬恩無自  
職羈外郡未能效嵩祝於階前心切  
上台敢  
爾布芻言于席末願單厚之福常享奚啻如岡  
而如陵冀  
靈長之眷益延永惟壽民而壽國



芝園文稿卷之十八終

芝園文稿卷之十九

奉子大聖啓

閩中趙世顯仁甫著

啓

元旦賀任撫臺啓

三朔肇祥禹甸洽需雲之慶  
一元啓序堯天

舒化日之光攝提貞于孟陬樂律中乎太簇恭

惟臺下三晉英賢  
中朝碩望風高驄馬

仍宣棘寺之猷望重龍門  
飲沐楓宸之寵建

旌旄於南土度肅羣寮標祭戟於西江誠孚列  
郡宣仁布德萬物藉以光輝振武敷文九重  
高其籌畫雲霞出海見海宇之澄清梅柳度江  
喜江波之恬謐某幸聯末屬尤切仰瞻鄙懷祗  
效乎頌椒遠道難同於獻栢尚願身當泰運  
陽道亨而愈亨節履春和福祉集而頻集未  
作金鉉而佐治長和玉燭以調元

奉毛大理啓代

伏以 楓宸日麗喜 恩眷之頻臻棘寺風高

羨平反之悉當口碑遠播肺石無冤恭惟 臺

下 婁水英賢 蘇門碩望 夙司臺憲特高

驄馬之風 繼佐法卿遠邁巢鳥之蹟既擅于

公之平恕尤懷顧協之清嚴某司理九江濫竽

三載哀矜徒切奚明允之足稱廩祿虛糜方尸

素之為懼輒因梓末少效芹私惟 鑒蟻忱可

勝雀躍

謝莊撫院啓

伏以 聖主宣猷在得賢以致治 忠臣報國

芝園文集卷十九  
恒引類以爲公惟騏驥之堪收詎駑駘之濫及  
恭惟 臺下 八郡奇珍 三朝舊德夙司文  
柄多士盡屬甄陶繼秉節旄百隊咸歸指畫  
帝嘉丕績 恩命特晉度支人仰英風中外皆  
知司馬 某檮櫟微才東南末學識非季壽謬膺  
張浚之知賢謝公山忝與陶洪之薦俯慙羊質  
仰荷 鴻恩夙夜戰兢每懷負知己之懼羹墻  
想望奚能酌 引拔之衷敬竭蟻忱肅將魚素  
伏惟 台鑒曷任神馳

請林巡江啓

伏以 江不揚波南土高牧寧之碩畫 士休  
于伍長淮奏飛輓之敷功幸 棨戟之遙臨慶  
瞻依之有自恭惟 臺下 四明毓秀 兩浙  
馳聲望夙重於龍門班特高乎豸繡 恩威並  
運鯨波靜而九派澄清 節制惟宜肅旅雄而  
千艘輻輳 某久瞻化日幸炙 德星 法從肅  
貢乎西江樽罍敢陳乎北海伏祈 俯垂末照  
用鑒私衷惟葑菲之不遺于几席而增重

擬上田宗伯啓

伏以 明王御寓載隆宗伯之司 聖世登賢  
 式重禁林之選自非舊德曷稱崇階恭惟 臺  
 下 龍津擢秀 鸞掖馳聲 詞學淵源爲時  
 珪璋瑚璉 謨謀宏裕作 帝耳目股肱近師  
 館閣之英鑛錙悉歸于鎔鑄昔司胄子之教桃  
 李咸屬其栽培 某忝附同鄉曾叨末屬分猷江  
 郡幸聯五馬之班報政 清朝寔賴二天之芘  
 敢申芹曝少效涓埃第願 溟渤洪濤寘細流  
 于不棄 泰山喬嶽合土壤而兼容 某不勝欣  
 躍祈望之至

擬謝兵部尚書舒公啓

代

伏以 周宏六典特隆司馬之權 魏設七兵  
 尤重夏官之秩自非碩望詎稱崇班恭惟 臺  
 下 中台德曜 西粵英髦近沐寵褒聲望益  
 隆於上國昔司漕政豐功特著於長淮允矣足  
 食足兵洵哉允文允武 某向叨末屬特荷 深  
 知自慚下乘駑駘濫廁公門桃李分猷江上慙

報塞之未能注戀 臺端徒依歸之是切謹馳  
一介用布寸衷尚冀 台慈俯垂末照

擬謝兵部侍郎石公啓

伏以 東南形勝夙等固於金湯 節制謨謀  
向資賢于玉鉉班特聯乎司馬磐無忝於漸鴻  
恭惟 臺下 秀鍾閩海 望重 天朝坐鎮

江淮業播中臺之績佐平邦國近參祈父之猷  
某澤國微材江壩下吏賢非驥茂濫叨叔向之  
知智匪陳平謬辱無知之薦自慶遭逢之非偶  
其如報稱之未能敢不矢贊 廟謨俾烽烟之  
未淨宏宣 德意冀遠近之咸熙

擬謝巡江俞公啓

代

擬謝

臺下

伏以 宣 上德於畿南非賢莫稱播 皇威  
於江上在昔惟艱睠茲不世之英式展匡時之  
略恭惟 臺下 德冠全閩 望隆南土明刑  
澗右蒸黎未慕乎于公簪筆 朝端庶職咸欽  
乎桓典貔貅百萬靜九派之烽煙芻粟千艘給  
三邊之餽餉然且功而不伐而猶讓以推賢

混跡監司曾何裨於國碩畫濫竽戎柄罔克樹

乎微勛方懇獲罪新台嚴詎意謬叨薦剡恐隨

榮至感與愧并謹馳下吏以輸忱仰睇上台

而展謝伏惟下崇鑒曷既瞻依空望南土民庶

請湖廣撫院秦公啓代之英左英國部文

地接東南化雨時霑乎鄰壤習天連吳楚德星

幸照乎江州負弩誠懽望風胥悅恭惟臺下

梁溪挺秀昭代蜚英夙步木天演絲綸而就

日繼登瑣闥宣汗簡以飛霜歷卿寺而履台

階陟內臺而司兵柄膚功丕樹德望彌隆

竊祿嶺南曾叨剪袂濫竽江國猶荷帡幪茲仰

法從之遙臨竊喜瞻依之有自敬陳樽俎少效

芹萍冀三榮戟之暫停於菲筵而增色武風

謝戶部侍郎莊公啓代之英左英國部文

開府崇階必英賢始克負荷度支重寄匪儒

碩疇展謀猷不位望彌隆瞻依是切恭惟臺

下帝賚良弼天挺人豪自瑣闥而秉文衡

士霑化雨由憲臺而陟藩翰人煦陽春邇建節

于西江旣承 恩於北極豐功不樹 晉錫荐  
加司寇司徒輒荷 維新之眷薦山薦禮靡忘  
舉善之公 某忝廁下寮曾無碩畫恐職司之多  
曠方顛躋之爲虞何期襪線微長謬入山公啓  
事敢云合抱寸朽誤蒙匠石兼收如此受知胡  
能報塞望南天而馳信使聊布私衷依北風而  
惠 德音時勤引領

請鹿鳴宴啓

戊子南畿

皇圖日麗羣工叨錫命之榮泰運天開多士慶  
彙征之會蓋畿闈夙稱首善矧留都尤盛人文  
自非主試得人曷稱賓興盛典恭惟 二公簪  
紱名家文章華國詞名蚤馳鑿掖連璧呈輝珮  
聲歸到鳳池雙珠並耀多士咸望其丰采九重  
特重乎恩波惟 聖主在得賢臣屬兩公出司  
文柄方舟共濟何殊李郭同登並轡齊驅僉謂  
歐曾復出奎明二水映使星而益增光桂發三  
山染宮袍而尤加馥與其進也五千二百多士  
擇而取之一百三十五人建業雲開見驂騮之

着步秣陵風好看鵬鷲之高飛  
消茲吉辰肅開芳宴鹿鳴歌動  
鏗鏘聽金玉之相宣鳳彩光臨  
遐邇慶冠裳之畢集伏望夙施  
膏秣期聯二駿於天衢並御樽  
壘快覩雙龍于斗極英才濟濟  
方欽乎詞臣報主之忠僚案師  
師行且爲聖世得人之賀

謝陳按臺啓

代

西江秉憲特高驄馬之風  
列郡宣猷舉愜登龍之願  
自惟謏劣謬辱甄收恭惟  
臺下

斗宏才  
五車夙抱  
丰姿嶽立擅儀羽於

朝端節槩霜清肅風裁於柱下  
宣仁布澤人懷

召伯之洪庥祛弊革奸世仰景讓  
之風烈某澤

國微材江壻末屬奉  
明威而飭羣吏念切冰

兢修憲紀以靖九江心慚尸素  
自分捐同管蒯

詎意收之藥籠與文子而同升  
幸歸依之有地

玷山公之啓事思報塞以何能  
敬攄私衷仰酌

明德睇卿雲于北極結念爲遙  
聽輿誦於南天

傾心曷旣



謝莊撫臺啓代

上公遇主弘宣體國之猷 碩輔秉鈞尤重旌  
 賢之典惟封菲之不棄併檇櫟以兼收感 遇  
 彌深濫竽是懼恭惟 臺下 文武惟宜 弛  
 張並用身為士範十千矜珮濡雨露於當年手  
 握兵符百萬貔貅振風雲於遙海 帝嘉丕績  
 晉陟崇階金掌明而卿月高玉鉉調而台星耀  
 悲倏鍾乎烏鳥憂暫輟於蒼生北斗之望益隆  
 東山蚤期再起某自媿儒生濫司兵政長江九  
 派而慮備禦以無裨廬阜千尋惟瞻依之是切何  
 期謫劣誤辱甄收聲聞過情慚每深乎羊質  
 寵光特被報未竭乎蟻忱引領南天可勝戀戀  
 敬馳下吏特布箋箋

賀總漕陳公啓代

東南為財賦所需 漕河寔國家重寄自匪才  
 兼文武詎能展厥謀猷恭惟 閣下 一代偉  
 人 三朝舊德累膺清秩中外之望攸歸屢陟  
 崇階山斗之瞻尤切茲以司空之貳復承 天

眷之隆千里長淮式典兵戎之重千軍餽餉總  
歸飛輓之權兵食賴以調停 朝廷於斯倚重  
仰惟 敷施得大體上益當乎 帝心尤知運  
量合時宜下愈孚乎衆志 某分猷江上媿整飭  
以何裨注仰 臺端惟瞻依之是切寸忱敢輸  
于一札仗 芘肅藉乎二天伏冀 俯垂末照  
鑒此微衷敢不理餉誥戎誓俯竭乎方寸效忠  
宜力期少助乎涓埃

賀吏部侍郎周公啓

代

長淮萬里必宏才始收轉饟之功盛世千官匪  
碩望曷稱銓衡之任惟謀猷之素著乃 恩命  
之重新恭惟 閣下 華山威鳳 盧水神蛟  
早陟清班志惟甘乎勇退繼膺 特眷勛克樹  
於酌知自開府而歷督漕見兵食之咸足由總  
憲而登天部喜位望之彌崇盖中外方慶司馬  
之升而班行直接夔龍之武凡叨末屬靡弗欣  
瞻乃若謏庸尤深懌豫沾沾自喜匪徒感一時  
知遇之隆濟濟登庸寔則爲 聖世得人之賀

尚願 集思廣益愈竭薦賢爲國之忠人開誠  
布公用替以人事君之誼清通簡要無忝於前  
賢崇正闢邪有裨於至治

郡庠送諸生應舉啓

聖世掄材正萬國觀光之會 郡庠毓秀際百  
年開泰之期濟濟南征值天衢之方闢翩翩上  
進喜雲路之非遙此行何異登仙指日便當擢  
桂肅詹念八薄設樽罍採泮水之芹先鹿鳴而  
啓宴折江亭之柳期虎榜以聯登

賀南京兵部尚書舒公啓

代

聖王治六師以平邦國特隆司馬之權 清時  
崇九列以奠民生尤慎鷹揚之選蓋本兵爲國  
家重寄而南畿尤天下要樞自匪鉅儒曷勝  
渥寵恭惟 閣下 西粵斗山中朝柱石自  
銓衡而晉藩翰人高召伯之風歷開府而陟崇  
階世仰趙宣之日 寵光荐被勛績彌隆 猥  
以樗櫟之微幸聯桑梓之末附仲氏敢云驥尾  
敘通家喜接龍門頃者獲拜 前旌過辱 俯

垂末照茲敬少申燕賀兼用仰答鴻私翼

翼小心伏冀鑒茲下悃箋箋束帛尤期宥

厥纖微某曷勝瞻戀祈懇之至

宴兩廣撫臺轉少司農劉公啓

恭惟謀猷克壯夙宣威德於南邦恩命重

新行主度支于上國經行則山川動色涖臨

而草木生輝縉紳悉羨其聲華遠近咸望其丰

采矧曾叨乎末屬尤感荷乎鴻私倏遘鸞鷲可

勝雀躍肅誦上吉用布鄙忱伏冀暫駐前旌

俯垂末照挹清華於寸晷斗極非遙藹色笑于

一堂匡山在望某曷勝慶懌之至

宴福建撫臺張公啓

恭惟望重鼎台克稱鞞鈴之任恩隆晉錫

特高開府之班朝宁傾心海邦引領旆移三

楚人人欽仰福星道出九江在在忻瞻化日肅

涓上吉特攄下衷採蠡澤之芹寔慙輶褻上南

山之壽祗竭悃忱仰覲前旌俯臨荒署鐘鼓

既設一朝享敢日隆賢緇衣之宜又改爲緬惟

尚德

賀分守張公壽啓

西江建節覃敷經制之猷  
南極呈輝快睹禎  
祥之集三陽將泰萬福攸同恭惟  
臺下  
閩  
海鍾英  
天朝宅俊凌凌風節夙望高於楚吳  
藹藹春陽仁聲騰于嶺嶠惟茲三郡寔當南北  
之衝睠此兆民均荷壽康之澤時維臘月序屬  
三冬節方慶乎履長祥乃合乎嶽誕極星炳耀  
偕彘澤以長明瑞靄氤氳與爐峰而掩映某分  
叨末屬喜溢尋常卽欲效北海之罇奈羈職守  
雖載侈南山之頌莫罄揄揚尺素恭題寸衷敬  
瀝尚願  
福祿彌隆  
寵光浥被  
壽民壽國  
六五老於匡山  
和氣和形十九仙於莆溆下  
情曷勝忻慶祈祝之至  
會請任撫臺啓  
代  
恭惟  
江國救寧中外仰召公之碩畫官寮整  
肅  
朝廷高杜衍之風猷  
帝眷聿新  
台光  
在望  
旌旄比指十千蒼赤同懷卧轍之思

尚德

賀分守張公壽啓

西江建節覃敷經制之猷  
南極呈輝快睹禎  
祥之集三陽將泰萬福攸同恭惟  
臺下  
閩  
海鍾英  
天朝宅俊凌凌風節夙望高於楚吳  
藹藹春陽仁聲騰于嶺嶠惟茲三郡寔當南北  
之衝睠此兆民均荷壽康之澤時維臘月序屬  
三冬節方慶乎履長祥乃符乎嶽誕極星炳耀  
偕彞蠡澤以長明瑞靄氤氳與爐峰而掩映某分  
叨末屬喜溢尋常卽欲效北海之罇奈羈職守  
雖載侈南山之頌莫罄揄揚尺素恭題寸衷敬  
瀝尚願  
福祿彌隆  
寵光浥被  
壽民壽國  
六五老於匡山  
和氣和形十九仙於莆溆下  
情曷勝忻慶祈祝之至  
會請任撫臺啓  
代  
恭惟  
江國救寧中外仰召公之碩畫官寮整  
肅  
朝廷高杜衍之風猷  
帝眷聿新  
台光  
在望  
旌旄北指十千蒼赤同懷卧轍之思

榮戟長驅百萬貔貅悉感投醪之惠矧叨末屬  
尤荷 洪私負弩以迎見簞食壺漿之載道誦  
吉而伺採江萍湖藻以將虔白賁箋箋謬意效  
緇衣之好丹忱翼翼傾心迓朱紱之來伏願  
鑒此微衷無以下體 鸞和至止式增樽俎之  
光 鳳采遙臨克副斗山之望

宴張相公啓代

恭惟 玉鉉功高祗德已深乎 帝眷金甌名  
重爰立允愜乎輿情 揚舲而蠡澤流聲 移  
旆則匡廬動色矧叨職守尤荷 旃幪肅涓吉  
辰用申鄙念採芹臨泮水詎徒興樂只之歌上  
壽對南山尤喜侈得賢之頌伏冀 少駐前茅  
俾獲效悃誠千萬一恭陪後乘敢期奉 色笑  
於須斯

宴張相公啓代

恭惟 紫禁宣猷久已膺乎 帝眷彤庭論道  
行復亮乎 天工庶邦慶司馬之重升百寮幸  
魏公之復出詎直光榮乎桑梓欣看增重於華

夷其夙懷 明德濫廁專城負弩以迎喜 台  
光之既御捧卮而俟輿騶從之遙臨雖澗芷溪  
毛靡足將乎忱悃而 泰山溟渤諒弗棄於涓  
埃宴樂竊效乎需雲輜褻敢云乎鼎養恭題尺  
素用布寸衷

兩道會餞秦按臺啓

廬阜雲開喜見使星之炳耀新秋氣淑爭看威  
鳳之翱翔慶洽百城光騰庶案恭惟 臺下  
茂苑肇祥清源擢秀向也繡豸西來已肅清霜  
於蒲路茲焉使旌北指欣瞻甘雨之隨車士  
聲歌人懷卧轍矧如兩道尤切二天念倚芘之  
方殷悵睽違之在卽虔諏吉日義取需雲匪敢  
云北海之罇聊用酌西江之醴伏冀前騶暫駐  
承色笑於斯須庶幾後乘叨陪藉寵榮於千萬  
預申鄙悃佇俟俞音

奉李司理啓

恭惟 臺下長水蜚英 清朝擢秀 鴻名赫  
奕載揚北海之休麗藻輝煌高步青蓮之武拜



恩天闕司理江州蒸黎引領以思仁徃行刻期  
而望直某幸叨末屬尤切仰瞻卽思負弩遙迎  
以躬承乎法從其如執鞭執掌難擅離乎職司  
敬馳一介之微用申尺寸之悃仰祈崇炤慰此  
私衷

賀大中丞董公啓

恭惟 臺下 上國英賢 西江碩望羊城蚤  
歷甘棠日茂於花封豸繡旋披諫草霜飛於  
楓陛自符御而晉光祿 德位彌崇由棘寺而

陟蘭臺 恩波載沐秉節鉞作南邦之重鎮總  
權衡據三楚之上游邇遐賴以奠安文武惟其  
所用生靈胥慶朝著增輝 某猥以樗材夙蒙駿  
顧向也驅馳南北未酌國士之知茲幸伊邇門  
墻克慰斗山之望雖雲泥之迥隔諒葑菲以無  
遺爰屬荒辭敬修薄賀伏願 壯方叔之猷波  
澄江漢揚令公之烈名播華夷社稷靈長是承  
昭貺彭匡淵厚曷罄揄揚



門墻庶伸向日之悃以替不報之需弗遂

與蔡節推啓以報不報之需弗遂

猥以謏材濫叨衝邑竊幸二天之有托胡期兩

地以猶懸粵自涖任以來計將暮月而徃值諸

臺使接踵駐梁奔走送迎殆無虛晷追呼稽核

備極苦心坐此匆匆徒懷耿耿前茲迂役未返

罔知榮任何時士民之望孔殷下吏之情尤切

再馳一介俯布寸衷伏願法駕夙臨增瞿唐之

氣色使星載耀田灑瀕之清輝全蜀幸甚某愚

幸甚

上胡兵憲公啓山岳望文對

猥以凡流謬叨下屬遇深國士欲報塞而未

白賁丘園方輜褻之是懼過蒙涵宥有更荷恩私

下繡榻以論心設華旃而張讌淹留竟日敢當

佳客之稱談吐百年曲盡風人之旨聆籌邊之

遠略竊願請纓感憂國之深言猶思借劍義和

欲匿云不醉以無歸水陸畢陳尚呼觴而未已

既乃索鄙言而題六角復欲採杜句而書八篇

芝園文粹卷三  
至於琬琰之章奚取虫魚之筆濡毫泚穎運腕  
驚心大慙以脂粉而污傾城何異積塵埃而增  
泰岱昔聯雁塔方深驥尾之羞茲飾鴻篇寧免  
佛頭之誚始出百半由蓋風人之言領善惡之  
不蘇請吳按臺啓代地當巴國萃宇內之奇觀  
天設渝關占蜀中  
之勝槩西轆道而東魚復縣巨嵯峨南夜郎而  
北漢中延袤遼邈塗山在望長懷底定之勛巴  
水環流共切朝宗之願恭惟 臺下兩淞豪英  
中朝柱石我冠貞肅特高驄馬之風攬轡澄清  
坐折城狐之氣指顧則山川動色時巡而郡國  
增輝其幸聯末屬仰藉餘光邇歷巴渝飫承寵  
遇茲當竣事之日敢輸獻曝之忱念切緇衣顧  
爻爻之是媿樂徵旨酒懷縷縷以難申伏惟俯  
鑒丹忱夙垂青顧少停蒼佩陟渝巘以徜徉暫  
徹朱帷臨巴江而騁望法星入座菲宴倏轉而  
芳惠日當筵石城更增其勝

請貢士啓

芝園文集卷三十一  
三  
高粱聳秀氣通奎壁之墟灩澦澄清波接滄溟  
之潤惟地脉靈而人斯傑肆人文啓而運彌昌  
恭惟執事識洞九淵蚤擅名駒之譽學窺二酉  
幼摛吐鳳之詞茲暫脫跡黌宮行且翱翔天路  
題梅擢桂惟此其基揭地掀天自今伊始敬涓  
吉日肇啓華筵罇俎並陳用篤緇衣之好鐘鼓  
旣設聊申獻曝之忱夙冀光臨慰茲懸企

爲忠兒延師啓

從古迄今疇不事學傳道解惑其必由師惟型  
範之克端庶陶鎔之有自恭惟足下才高倚馬  
業擅雕龍誦詩讀書友天下之士尚論乎古之  
人入孝出悌守先王之道以待後乎之學惟是  
志上進之士咸願出大賢之門小兒<sub>某</sub>坐春風  
已閱歲年資化雨匪徒朝夕茲值青陽之啓候  
再開絳帳以延尊諒不棄乎葑菲更廣培乎桃  
李凡我同志典列芳名用廣切磋共圖矜式

請吳按臺遊龍洞啓

<sub>代</sub>

巴蜀春融色動川原之秀高粱日麗光騰巖谷

之幽洞壑參差蟠龍特勝峰巒縹緲瑞兔爭竒  
風前啼鳥鏗金天外鳴泉瀉玉想仙都之昔建  
恍圖畫之天開恭惟臺下東海人龍清朝總馬  
巴山截業人欽攬轡高風錦水澄清衆羨埋輪  
壯節建霓旌激揚全蜀移繡斧振肅夔門化日  
舒長共慶昇平之會栢臺清暇堪紆遊豫之懷  
敬啓朋儔奉延法從山靈呈瑞氣伏伺幃帷風  
伯掃塵氛遙迎棨戟伏冀俯垂金諾夙命雲輶  
臨洞府以探竒撫烟霞而縱目庶忱少伸于獻  
曝而望獲慰於登龍謹啓

賀胡兵憲公誕子啓

伏以珠呈合浦光騰奎壁之墟玉產藍田色動  
山川之秀時當建卯瑞喜生申恭惟臺下三楚  
璠璣九重柱石有是父有是子簪組聯輝難爲  
弟難爲兄雲仍濟美主度支則出納惟允司邊  
餉而張弛咸宜茲建節於三巴更馳聲於萬里  
投石超距咸思勇猛以先驅緩帶輕裘恒運神  
武於不殺羣黎薰化日內安外寧百隊鬪雄風

遠來近悅惟不矜而不伐故多壽而多男二乳  
徵麟詎羨黃金之百兩雛毓鳳寧誇白壁之雙  
睠此禎祥矧當春月繁桃穠李偕弧矢以爭妍  
乳燕嬌鶯與熊羆而並育蓋春以生育長養爲  
事當之者壽昌抑時丁發榮滋長之期值之者  
貴盛詎非景福獲此佳兒某幸叨屬末敢云孔  
李通家濫厠譜餘深慶芝蘭滿室遙思戈印之  
兆政此其時欲趨湯餅之筵奈睽遠道聊馳蟬  
翼用布蟻衷贈匪文犀靡益雙珠之耀飾非華  
襁寧供半臂之需特幸無誤於弄麀而喜更深  
於附驥伏願漸秀以實旣壽而康敷黃羽毛矯  
矯九苞之翮長成頭角昂昂千里之駒遡世德  
奚趨槐植乎三祝禎符自此桂森而五遞聞詩  
禮鯉庭伯仲齊趨繼秉鈞衡夔武後先並接謹  
啓

上劉憲使啓

猥以傷弓卑棲下邑衝疲獨最梗悍難馴且千  
里無家而一官若寄白雲在念青綬何心第戴

德銘秉志消埃未效旣仰尊中止懇冒昧爲愆  
坐此遲遲徒懷耿耿茲陳蟬翼肅侑魚牋詎謂  
可羞王公敢以犒諸從者倘細流之不棄益大  
德之難名緘楮情馳瞻方神悚

迎耿郡公啓

仁聲遠播人懷就日之忱德望遙瞻士切登龍  
之願矧如末屬尤仰高風負弩之迎未獲申於  
千里望塵之拜竊願效其寸衷伏願夙移旌節  
用慰雲霓五馬度江臯共喜使星入蜀雙龍明  
劍佩卽看霖雨隨車闔郡幸甚職亦幸甚

餞劉劍閣孝廉啓

上林春煖欣看鷓鴣翱翔北海風高快覩魚龍  
奮躍章縫盛事秣苑奇逢恭惟臺下學貫天人  
識涵淵海邳枝早擢雄才共羨乎題橋馬帳旋  
開鱸兆已徵於講席茲際多士彙征之會將副  
明庭側席之求風翮九霄乘秋空而欲展霜啼  
千里向雲路以爭馳敬採泮芹用申祖餞新長  
亭之垂柳聊寫離悰看上苑之名花行霑寵遇



伏與和鸞至止庶幾尊俎增輝淇澳王千竿待  
入座春風而被拂河陽花滿縣需及時化雨以  
涵濡謹啓

上李太史啓

代

伏以合抱參天資鄧林而並育梗枿杞梓賴匠  
石以兼收不謂樗櫟之材亦備斧斤之用當年  
知遇報塞未能千里睽違瞻依徒切偶雲函之  
賁及儼矩誨之親承式窺甫栢之章足徵世澤  
載誦天桃之蹟尤愴母慈某分理夔門慝平反  
之未稱緬懷函丈憾羽翮之難施每拜命提徒  
勤說繹仰瞻盛美莫罄揄揚惟委旣重於千鈞  
故愚敢輸乎一得勉陳瑣瑣附驥末以分榮薄  
致箋箋託鴻趾而上獻謹啓

復曹荔溪中丞啓

恭惟臺下瑞世鳳麟天朝柱石才雄七步文苑  
羨陳思之再生望重三巴寰宇幸曹丘之復出  
當年諫草抵今偕日月齊光開府風猷千載與  
湖山增重偶嬰情於綠野暫釋負於金章九重

每拊髀以思八埏恒引領而望然且自忘前哲  
而勤引進後生如某駑庸亦叨駿顧荷瑤華之  
寵錫感情志之綢繆詞謝色絲詎敢近方松雪  
才踈製錦何當遠擬太丘拜命驚心載披生色  
卽圖報乎璠玖罔諱木桃奈寡和之陽春致稽  
旬日茲敬題乎六角聊用寫乎寸衷氣已殫於  
大巫格猶卑于小乘羞王公以沼沚祗愿迂踈  
雜瓦缶於黃鐘可勝慙負尚冀俯垂照拂扶跛  
蹶以就康莊曲賜優涵納涓微以歸溟渤鄙生  
幸甚謹啓

送年啓

韶華轉轂倏歲序之將週黎獻登臺又春陽之  
欲屆四境咸深鼓舞末屬尤切瞻依薄效芹私  
用申節悃絳蠟罔裨於離照白粲實媿乎鼎烹  
素藕送青絲玉盤秀簇烏薪呈紫焰錦帳春生  
雖蟬翼之爲慚抑蟻衷之是肅伏惟土壤不棄  
斯榮重於岷峨涓滴倘涵卽感深乎灑瀆某啓

賀耿郡公壽啓

芝園文稿卷三  
夔門風暖忻萬象之春融灑瀆波澄慶三巴之  
瑞集祥已徵於產玉報立俟乎泥金矧逢  
之辰正值春生之候鴻鈞氣淑四境歡騰壽域  
天開八方頌協迺如下吏尤愜私衷祝第效乎  
九如忱敢輸于一寸玄黃篚實詎云好比緇衣  
神物儀將特喜籌添海屋伏願安富尊榮康寧  
佚豫太和悉萃益見和氣而和形萬壽無疆推  
以壽民而壽國謹啓

餞胡觀察啓

當年上苑附驥以看花此日高梁臨岐而折柳  
烟霏雲合聚散之跡何常轍卧轅攀繾綣之情  
曷旣一忱未效百感叢生矧地當梁萬之交抑  
序屬陽和之候川合東西瞻使節俄驚水陸將  
分春來花鳥入邊愁更憾雲山欲判不有罇酌  
曷舒鄙懷敢以芹萍用申祖餞盈觴醺醪趁鶯  
韻以類斟一曲絲桐和驪歌而答響柳枝青客  
舍聊將此地當陽關烟水綠巴江預把寸心隨  
別權伏奠俯垂未照鑒此微衷少駐霓旌寵霏

談於祖道滿傾玉笋壯行色於征途醉別江樓  
明發徒看灑灑馬歸傳尺素他時莫惜武昌魚  
某不勝幸甚

送新啓

膏澤覃敷屬邑遂有秋之望收藏載始三農騰  
鼓腹之歡時幸際乎豐登職敢忘于報謝新餐  
肅致猥云輪鼎養之忱締綌並將敢謂篤緇衣  
之好伏惟電鑑俯賜淵涵

餞黃學憲啓

高梁星燦龍光連奎壁之墟灑灑瀕波澄鷁彩射  
鼉鼉之壑使節移而山川借色瞻帷駐而桃李  
分榮如職謏庸嘗蒙嘘植感徒深於溟渤忱未  
展於涓埃欲循世俗之圖恐匪國士之報茲幸  
龍門在御欣看兔嶺輸奇肅啓朋罇用申祖餞  
謹以中道恭迓雙旌具愿葑菲雖無當於鼎寶  
獻惟芹曝期少布乎丹衷伏望暫停騎從俯賁  
罇壘入座桂香浮長斟桂醕開筵鴻影動荷  
鴻私謹啓

謝邢兵侍啓代

恭惟臺下振古宏猷經邦偉望播皇威于遐道  
邊徼烽銷運神武于夷方蠢酋心格南人不復  
反矣西土從茲晏然幸邇台光飫聆矩誨乍違  
顏于夔子時引領乎巴渝猥以弧矢之辰過沐  
璫瑤之錫投之腆貺侑以佳詞方蒲柳之爲慚  
詎岡陵之敢望惟隆情與岷峨而等峻乃感荷  
偕灑瀕以同深敢布芹忱用申謝悃伏惟崇炤  
慰此私衷其不勝馳戀之至

賀邢制府壽啓代

伏以壽域天開偕巴山而共永勲名日懋符錦  
水以同流慶洽西陲瑞呈南極恭惟臺下鄒魯  
酌儒華夷重望文雄諭蜀功同干羽于七旬氣  
夙吞吳胸富甲兵之百萬躬憑神武策蠢酋藉  
以更生坐按鬼方兵荒徼因之造命七縱步武  
侯之芳躅三箭紹仁貴之竒謨喜茲嶽誕之辰  
正值播平之會九如頌祝合虎旅以齊聲龜龜  
驩呼與凱歌而答響欲效南山之獻奈睽東土

之巡俯瞰江流長擬籌添海屋西瞻法象遙憐  
星耀塗山聊申獻曝之私用代稱觴之慶伏願  
視履其旋未康寧而勿替撫疇歛福享壽考之  
維祺崆峒千二百年詎讓廣成之筭中書二十  
四考行追郭令之踪某曷勝祈望忻忭之至

報譚中丞啓

代

恭惟臺下天挺人豪嶽鍾英傑學術正宛然濂  
雒淵源操履嚴卓爾韓歐風節馳檄則士首懾  
服移旌而蜀道澄清乍隔台光時勤引領忽承  
使命念及賤辰責以華篇詎敢當九如之頌申  
之腆貺又何殊三錫之榮拜命增慚撫躬知感  
敬修鄙悃用答英璫某不勝馳戀忻躍之至  
重報曹中丞啓

自昔常懷面晤抵今猶阻神交白雪頻投難酬  
下里青萍在御耻效鉛刀頃過夔門復承寵寄  
開械臨赤甲雄詞萬壑爭奇拭目覩銀鈞徒筆  
千軍欲掃杜公祠下歎衣鉢之在茲諸葛目前  
誇典刑之未泯勉成四韻用寫寸衷惟善歌能

善繼聲知效顰秬益增醜筆則筆削則削尚與  
起予步亦步趨亦趨無忘鑄我謹啓

賀王叅藩啓

猥以蹇劣特荷嘘培藉王公之片詞重趙人於  
九鼎三生多幸百叩奚酬矧恩命之重新肆崇  
階之特晉華夷共仰士庶騰歡卽擬搗趨俯申  
鄙悃柰羈職守未敢擅離敬效魚箋肅陳蟬翼  
伏惟淵納少慰氷兢

送年啓

鴻鈞氣轉慶玉曆之重頒泰運天開喜青陽之  
欲屆全蜀頌和風甘雨四封歌舜日堯天在萬  
姓固鼓舞以迎年乃下屬尤欣歡而致祝欲圖  
際之寶玉未免侵蒼赤之膏抑思責以玄黃猶  
恐麾門墻之外敢將時物用布私衷白藕精粲  
少備春觴之侑烏薪蠟炬聊充煖閣之需鄙褻  
懷慙悃誠是切仰惟電照俯賜淵涵不勝幸甚  
謹啓

送王按臺啓

猥以庸鄙過荷嘘培庇方託乎二天範偶違於  
一旦驟聞魄動懸仰心飛卽圖趨送江干在羈  
職守無已敬馳下役用達悃忱伏冀長途倍加  
珍至念雷霆雨露莫靡乎深恩矧舟楫鹽梅有  
待于他日

寄上徐老師啓

奉違函丈積有歲年念某初改江州何異行吟  
楚澤繼遷巴蜀殆猶編寘殊方地號鬼愁書懸  
雁斷五載與蠻夷爲伍終朝惟僮僕相親採木  
告勞思親彌切屢乞身而未允悵生返以無期  
幸獲量移遂圖歸省謂板輿之可御卽別駕其  
猶歡不意萱闈仍憚於遠征緬思菽水猶難於  
寄託留妻孥以代養則片月仍孤舍聖善而徑  
行則寸雲堪痛無已乃移文而就養非敢以拂  
袖而爲高喜家庭之樂無涯奈君師之恩未報  
寸丹徒切尺素難通歎衣鉢之空傳想荒庄而  
寔媿弟願我師再登三事融躋九如華夷望可  
馬之休光勛銘彝鼎密勿步夔龍之芳躅澤滿



乾坤則鈞海鄙生仍得借餘波之潤而含飴蒸

獲蒙大造之庥榻管懸情臨楫增戀謹啓

...

...

...

...

...

...

芝園文稿卷之二十終

